

化書卷之二

真人譚景昇撰

術化

雲龍

雲龍風虎得神氣之道者也神由母也氣由子也以神召氣以母召子孰敢不至也夫蕩穢者必召五帝之氣苟召不至穢何以蕩穢虺者必役五星之精苟役不至虺何以伏小人由是知陰陽可以作風雲可以會山陵可以拔江海可以發然用之於外不如守之於內然後用之於外則無所不可

猛虎

猛虎行草木偃毒燭怒土石揭威之所攝氣之所搏頑鷲為之作小人由是知鈇可使之飛山河可使之移萬物可使之相隨夫符金則威大精全則氣雄萬感不能溺萬物可以役是故一人所以能敵萬人者非弓刀之技蓋威之至也一人欣以能悅萬人者非言笑之惠蓋和之至也

用神

蟲之無足蛇能屈曲蛙能掬感蝸牛能縮小人所以見其機由是得其師可以坐致萬里而不馳是故足行者有所不達翼飛者有所不至目視者有所不見耳聽者有所不聞夫何故彼知形而不知神此知神而不知形以形用神則三以神用形則康

水竇

水竇可以下溺杆棘可以療瘡斯物也始製於人又復用於人法本無祖術本無狀師之於心得之於象陽為陰所伏男為女所制剛為柔所尅智為愚所得以是用之則鐘鼓可使之啞車轂可使之闕妻子可使之改易君臣可使之離合萬物本虛萬法本無得虛無之竅者知法術之要乎

翹翹

翹翹附巫祭一作林言禍福事每來則飲食言語皆神每去則飲食言語皆人不知翹翹之附巫祭也不知巫祭之附翹翹也小人由是知心可以交氣可以易神可以奪鬼可以錄形為神之官神為形之容以是論之何所不

可

虛無

鬼之神可以禦龍之變可以役蛇虺可以不能替戈矛可以不能擊唯無心者火不能燒水不能溺兵刃不能加天命不能死其何故志於樂者猶忘飢志於憂者猶忘痛志於虛無者可以忘生死

虛實

方尺之木置於地之上使人踏之而有餘方尺之木置於竿之端使人踞之而不足非物有小大蓋心有虛實是故冒大暑而撓者愈熱受炎灼而懼者愈痛人無常心物無常性小人由是知水可使不濕火可使不燥

狐狸

狐狸之怪雀鼠之魅不能幻明鏡之鑒者明鏡無心之故也是以虛空無心而無所不知是天無心而萬象自馳行師無狀而敵不敢欺大人無慮而元精自歸能師於無者無所不之

轉丹

轉萬斛之舟者由一尋之木發千鈞之弩者由一寸之機一目可以觀大天一人可以君兆民太虛茫茫而有涯太上浩浩而有容得天地之網知陰陽之房見精神之藏則數可以奪命可以活天地可以反覆

心變

至姪者化為婦人至暴者化為猛虎心之所變不得不變是故學者其形和喜者其形逸怒者其形剛憂者其形感斯亦變化之道也小人由是知顧六尺之軀可以為龍蛇可以為金石可以為草木大哉斯言

珠玉

悲則雨淚幸則雨涕憤則結癭怒則結疽心之所慙氣之所屬無所不育邪苟為此正必為彼是以大人節悲幸誠憤怒得瀨氣之門所以收其根知元神之囊所以結其光若蚌內守若石內藏所以為珠玉之房

蠅蝸

夫蠅蝸之蟲卒蟻蛉之子傳其情交其精混其氣和其神隨物大小俱得其真蠢動無定

情萬物無定形小人由是知馬可使之飛魚可使之馳土木偶可使之有知嬰兒似乳母斯道不遠矣

胡夫

胡夫而越婦其子華面而姪切足變夫而

羌婦其子拗鼻而昂首稭接桃而本強者其實毛梅接杏而本強者其實甘以陰孕陽以柔孕剛以曲孕直以短孕長以大孕小以圓孕方以水孕火以丹孕黃小人由是知可以為金石可以為珠玉可以為異類可以為怪狀斯造化之道也

陰陽

陰陽相搏不根而生芝菌燥濕相育不母而生蝘蟻是故世人體陰陽而根之數燥濕而母之無不濟者小人由是知陶鍊五行火之道也流行無窮水之道也八卦環轉天地之道也神物乃生變化之道也是以君子體物而知身體身而知道夫大人之道幽且微則不知其孰是孰非

海魚

海魚有以蝦為目者人皆笑之殊不知古人以囊螢為燈者又不知晝非日之光則不能馳夜非燭之明則有所欺觀傀儡之假而不自疑嗟朋友之逝而不自悲賢與愚莫知唯抱純白養太玄者不入其機

礪松

礪松所以能凌霜者藏正氣也美玉所以能犯火者蓄至精也是以大人晝運靈旗夜錄神芝覺所不覺思所不思可以冬禦風而不寒夏禦火而不熱故君子藏正氣者可以遠鬼神伏姦倭者至精者可以福生靈保富壽夫何為多少之故也

動靜

動靜相磨所以化火也燥濕相蒸所以化水也水火相教所以化雲也湯盞投井所以化電也飲水雨日所以化虹蜺也小人由是知陰陽可以召五行可以役天地可以別晝日月可以我作有聞是言者必將以為誕夫民之形也頭圓而足方上動而下靜五行運於內二曜明於外斯亦別構之道也

聲氣

操琴瑟之音則脩然而闕奏鄭衛之音則樂然而逸解頽覺之音則背脊凜森上搥鼓擊之音則鴻毛踴躍其感激之道也如是以其和也召陽氣化融風生萬物也其不和也作陰氣化厲風辱萬物也氣由聲也聲由氣也氣動則聲發聲發則氣振氣振則風行而萬物變化也是以風雲可以命霜雪可以致風風可以歌熊羆可以舞神明可以友用樂之術也甚大

大同

虛合虛神含神氣含氣明含明物含物達此理者情可以通形可以同同於火者化為火同於水者化為水同於日月者化為日月同於金石者化為金石唯大人無所不同無所不化是可以與虛皇並駕

帝師

鏡非求鑒於物而物自投之索非求飽於氣而氣自實之是故身以虛受臭耳以虛受聲目以虛受色舌以虛受味所以心同幽冥則

物無不受神同虛無則事無不知是以大人奪其機藏其微羽符至怪陰沓甚奇一作可以守國可以救時可以坐為帝王之師

琥珀

琥珀不能呼腐芥丹砂不能入燒金磁石不能取德鐵元氣不能發陶爐所以大人善用五行之精善奪萬物之靈食天人之祿駕風馬一作之祭其道也在忘其形而求其情

化書卷之二

化書卷之三四同

其人譚景昇 課

德化

五常

儒有講五常之道者分之為五事屬之為五行散之為五色化之為五聲脩之為五嶽仰之為五星物之為五金族之為五靈配之為五味感之為五情所以聽之者若醜雞之遊太虛如井蛙之浮滄溟莫見其鴻蒙之涯莫測其浩渺之程日暮途遠無不倒行殊不知五常之道一也忘其名則得其理忘其理則得其情然後牧之以清靜棲之以杳冥使混我神氣符我心靈若水投水不分其清若火投火不問其明是謂奪五行之英蓋五常之精聚之則一芥可包散之則萬機齊身其用事也如酌醴以投器其應物也如懸鏡以鑒形於是乎變之為萬象化之為萬生通之為陰陽虛之為神明所以運帝王之籌策代天地之權衡則仲尼其人也

飛蛾